

# 豐澤縣出處




# 全圖

唐瓚篆



豐澤縣志

卷之二 圖考

疆域



城池





縣署

豐潤縣志

卷之一 圖考

三





學校



豐潤縣志

卷之一 圖考


四



牛鼎



象樽



豐潤縣志

卷之一

圖考

六

序

嘗考豐潤為古玉田縣地  
統於漁陽郡金元之間  
乃邑而治之志棄則自  
明始明以前無聞焉至

本朝康熙中西昌雁君

豐潤縣志

吳序

景泐漢川經修距今蓋  
六十餘年矣官郵去者  
平日公事旁午未遑經理  
於是事勢屢更簡編輯  
舊掌故之謂何而聽其  
缺略也夫邑之有志也將

以考政法之得失民生之  
性感人才之盛衰風俗之  
醇漓戶口之聚散物產  
之息耗貢賦之盈絀世  
代之變遷沿革之建置之  
異名而同實山川緯絡

星紀定祥之表著之歷  
驂而不可証俾有志之士  
循舊章而成竹在胸出令  
毋違然後可封之內以  
仰記庶民之謫犬無  
驚井闕晏然有非史氏

之溢美者雖一可以者蓋  
一邑之命繫於令一邑之  
際流於志之不以不實事  
之所不屬也志之所不取  
似之而不後也即至紀一  
名必核其實者一物必

討乎源一人是哉能繼  
忠而孝子之德一行是錄  
之闕禮義庶恥之防則  
筆削歷私謹嚴西刻  
而激揚彰瘴之音之昭具  
於茲矣以垂之為域枕山

表海壇古第家其間可  
法可傳可盡可愕之事  
陸更僕之難以悉數不  
有以深之心哉教而無以  
統躬故予交事之如百度  
未采即壽茲後乃博考

厚籍表誌正史參之傳記  
與父老之傳同始先生之  
濬雅疏通者下至該經  
危亡有莫以錄為未及  
替京然成快乃藁素甫脫  
而頓遭吏議爰占介姓

馬君佩夫更相評隲勒成一書後之君子試按冊稽之某之可目某之可革某之可須斟酌損益其瞭然在自者以予志以束遠而次第舉一行之俟此

書不尋諸覆瓿之紙也予從幸矣時

乾隆三十年歲次乙亥  
之秋日前是令兩君進  
士者山吳煥簡夫氏撰文  
以書



豐潤縣志原序

昔豐潤隸漁陽郡今屬薊州抵神京三百里有奇  
爲左臂輔邑聖化昭洽亦首善之域也雖其地邇  
邊郵四塞險阻古號雄據今稱藩籬其邑與有志  
附於薊舊矣邑王令納言以時久而簡不專或晦  
焉靡顯畧焉不詳非邑之全乘也奚足以信今傳  
後耶爰集獻鳩文合舊志而補葺之始之以圖經  
事紀地里建置學校食貨繼之以官師仕籍宦蹟  
人物兵制雜職藝文凡昔無而今有後盈而前縮  
者悉與釐正集次綱總目析岐爲二卷紀載參於

豐潤縣志

序

一

舊乘義例竊乎古文燦然爲邑巨典也甫成王令  
以憂去余令乾亨專心民瘼究意典章嗣而梓之  
請余以敘諸簡端余惟志也者非徒以侈文而資  
博也將以紀實而出治道也邑而匪志則往迹湮  
沒民俗漫無所稽司土者或掇其別聞而敷治之  
民其不爲誤者無幾也余自臬關西受簡命來憲  
茲薊夫薊重鎮也日惴惴焉以弗勝是懼迺取一  
統志九邊圖郡縣志地里考時披閱之將以識山  
川之險易戎馬之盈縮錢穀之登耗民俗之淳漓  
拯衰振弊以仰荅我皇上之簡命偶得諸地里考

之所載者民刁俗悍時號難治者最是邑焉始若以爲然暨按歷數月邑令持志詣予閱之再三其見於人物者若石大用之節義董讓之廉介谷周氏之貞烈正氣耿光可以彰往若大中丞之谷公大方伯之韓公大司徒之嚴公高誼峻世足以興今見於風俗者且曰民多儉質而力農士多節義而務學風俗淳厚禮讓聿興施諸冠婚喪祭秩然有禮尤可稽也其他好義而急公尊君而親上可以遠追渾噩狃獠之風者不盡殫述未聞有所謂弗馴之民強梗之俗以列於其間也使其無志以

嗣於今則蒞民者將有泥成說主先入而厲禁峻法未必不加於友順之民矣奈之何民不誤且病也噫書其可以盡信邑其可以無志哉雖然世於變而四凶梗化時太平而三監弗率考之說亦有自也而轉移化導其機係乎上耳方今聖天子建極彰軌畿輔之民涵濡道化見德順則已比比然矣撫臺劉公承休宣猷揆文奮武是以民享安樂之福而撫屬郡縣悉皆若於政訓維於禮義風俗淳美誠有如志之所稱者是志也雖以稽更張之迹寓激勸之道而民俗丕變之初此其識之矣爲

令邑者仰體乎聖君賢輔之心而曲盡乎承流宣  
化之道監往哲以厲精緣時俗以張弛則民俗一  
變至道當不止於今日已也考之說奚辨焉

隆慶四年歲次庚午九月薊州兵備副司楊錦撰

豐潤縣志原序

豐潤之爲邑也幽冀之門戶遼海之襟喉而神京之肘腋也其地近邊北險南曠雖僻在一隅而華夏之盛衰宇內之開塞恒於此乎侯焉歷觀載籍本黃帝所畫幽州之域在唐虞爲侯甸在商則孤竹之所隣在周則堯裔之所封而隨入於燕者也民當其時近聖人之居被聖人之化其英哲并生土風朴茂蓋可想見漢隸漁陽唐隸北平往往皆稱善治其季也劉虞據之祿山憑之則多故矣至於晉氏之衰慕容攘竊五代而後并入契丹遼金

豐潤縣志

序

四

迄元運移殆五百年也雖豪傑間生其間又焉知其風化之流不異於古所云邪故觀於豐潤之分合而華夏之盛衰可覩已我太祖命將削兵如軒轅之都涿鹿成祖卜燕定鼎如陶唐之宅平陽自是而爲邦畿爲屏翰屹然稱重地矣夫上下五六千年而再遇軒堯之興處畿輔之重斯世斯民何其幸歟故觀於今日之豐潤而寰宇之再闢可知已沿革不常舊無邑乘凡疆域山川人物政治之跡俱附州志然亦畧矣明興且二百年累洽重熙文物聲華與輦轂相埒而學士大夫未有議及此

者豈非一方之闕典歟抑文獻之與其鬱而彰者  
固自有待歟今上纂修先朝實錄遐取遠徼靡不  
蒐輯由是邑令王君梧月始銳意纂集而間謀諸  
予予閱敝篋之中得往事備遺者凡數十種命從  
子九鼎輩潤色詮次垂及成書而君以憂去新令  
余尹兼山繼之好古崇文與王君同志遂竟厥功  
以付諸梓舉千百年之墜典一旦光昭而自茲以  
往凡道法之師資政治之軌範民風之淑慝兵賦  
之盈虛與夫居身蒞衆之鑒戒皆於此而可稽矣  
嗣是而爲君相者考焉治躋唐虞化行南國爲士  
民者考焉生王國而爲楨聞清風而興起則斯志  
也其裨於世教者豈小哉

隆慶庚午初夏旣望邑人谷嶠撰

重修豐潤縣志序

溷陽古稱邊陲地自歷代建都於燕此邦遂爲神京左翼凡聲名文物教化必首及焉然太史採風要於邑乘是賴則修之可不亟亟哉顧隆慶以來垂百餘年未及纂輯其間山川更易風俗變遷人民財賦之盛衰官師科第之隆替以及節義文章湮沒而不傳者不可勝紀余蒞任後輒欲修舉廢墜逮繙閱舊志見其典章殘闕不足攷古而信今每怒焉憂之爲簿書鞍掌奔走無寧實有志而未逮也恭遇

豐潤縣志

序

六

聖天子允輔臣請纂修天下通志奉檄博訪名儒光昭史乘余不敏與邑之紳士議務求足當斯任者學博劉君世芳乃以鄉先生谷君元調進暨文學諸子副焉余開館授粲三請而後受事乃謂谷君曰今日之事奉

命纂修匪特一邑之志實爲千秋之書將進之史館用佐蘭臺筆扎其務殫精抽毫期副

國家右文至意谷君曰唯唯但爲此事者有三難豐自圈占之後書籍荒廢故事無徵恐亥豕魯魚實增固陋一難百年以來老成凋謝攷問無從山陬